

40


40

HARVARD COLLEGE LIBRARY
FROM THE
HARVARD - YENCHING
INSTITUTE

DEC 28 1929

~~Ch L 9297.8244~~
327

~~Ch L 9801.8244~~



錦繡萬花谷別集卷之二十七

貨財

哈佛大學
哈佛燕京
圖書館
珍藏印

一年散金三十餘萬李白上裴長史書曩昔東遊維揚
不逾一年而散金三十餘萬有落魄公子悉皆濟之
冥司為鑄橫財唐餘錄云盧懷謹與張說同作相盧忽
暴亡夫人崔氏不泣曰公命未盡公清廉而說貪說尚
存公不應死已而復生曰冥司數十處為說鼓鑄橫財
我豈可同未幾遂卒

給軍興唐程异傳憲宗討淮而切於饋餉王播引程异
自副异尤通萬貨盈虛使馳傳江淮哀財用以給軍興
兵得無乏

布帛

布有三品南越志曰蕉布之品有三有蕉布有竹子布
又有葛馬符傳注後漢王

織縑織素古詩云新人工織縑故人工織素織縑日一

匹織素五丈餘以縑持比素新人不如故
精麗廣狹記王制布帛精麗不中數幅廣狹不中量不
粥於市

吉貝布黑客揮犀云閩嶺已南多木綿土人競植之有
至數千株者採其花為布號吉貝布余後因讀南史海
南諸國傳言林邑等國出古貝木其花成時如鴛毳抽
其緒紡之以作布與紵布不異亦染成五色織為斑布
正此種也蓋俗古為吉耳

錢

少府水衡王嘉日食封事云元帝溫恭少欲都內錢四
十萬萬水衡錢二十五萬萬少府錢十八萬萬是時外
戚貲千萬者少耳故少府水衡見錢多也

大風雨飛錢幽冥錄海陵黃尋先貧因大風雨散飛錢
至其家觸籬園誤落者無數餘處皆拾得富至數千萬

擅名江北

金錯囊杜對雪詩金錯囊垂罄注云此言錢也王莽鑄
大錢又造錯刀以金錯其文此錢形如刀而金錯之之

證

亟使閉錢坎唐李景遜母鄭治家嚴始貧乏時治墻得
積錢童婢奔告母曰士不勤而祿猶災其身况無妄而
得我何取亟使閉坎

蒙城銅坑南史劉俊字士操永明八年俊啓武帝曰南
廣郡界蒙山下有城名蒙城可二頃地有燒爐四所高
一丈廣一丈五尺從蒙城度水南百許步平地掘土深
二尺得銅又有古掘銅坑深二丈并居宅處猶有鄧通
南安人漢文帝賜通嚴道縣銅山鑄錢今蒙山近在青
衣水南青衣左側並是故秦之嚴道地青衣縣文帝改
名漢嘉且蒙山去南安二百里案此必是通所鑄近喚
蒙山獠出云甚可經畧此議若立潤澤無極并獻蒙山
銅一片又銅石一片平州鑄鐵刀一口上從之遣使入
蜀鑄錢得千餘萬功費多乃止

歷代鑄錢不同北史高謙之時朝議鑄錢以謙之爲鑄
錢都將長史乃上表求鑄三銖錢曰錢之輕重世代不

同太公爲周置九府圜法至景王時更鑄大錢秦兼海
內錢重半兩漢興以秦錢重改鑄榆莢錢至文帝五年
復爲四銖孝武時悉復銷壞更鑄三銖至元狩中變爲
五銖又造赤仄之錢以一當五王莽攝政錢有六等大
錢重十二銖次九銖次七銖次五銖次三銖次一銖魏
文帝罷五銖錢至明帝復立孫權江左鑄大錢一當五
百權赤烏年復鑄大錢一當千輕重大小莫不隨時而
變昔禹遭大水以歷山之金鑄錢救人之困湯遭大旱
以莊山之金鑄錢贖人之賣子者今百姓窮悴甚於曩
日欽明之主豈得垂拱而觀之哉臣今此鑄以濟交泛
事未就會卒

皇朝錢滿天下

前漢太后傳大夫鄧通方寵幸上欲其

富賜之蜀嚴道銅山鑄錢吳王濞有豫章銅山招致天下亡命者鑄錢國用饒足於是吳鄧錢布滿天下

請罷江淮七監唐韓洄字幼深擢戶部侍郎判度支上

言江淮七監歲鑄錢四萬五千緡輸京師工用運轉每緡度二千是本倍於子今商州紅崖冶產銅而洛源監又廢請鑿山取銅即治舊監置十鑪鑄之歲得錢七萬二千緡度費每緡九百則得可浮本矣江淮七監請皆罷

張氏無名錢漢張安世以父子封侯在位太盛乃辭祿

詔都內別藏張氏無名錢以百萬數

千錢不及一斤唐食貨志隋末行五銖錢天下盜起私

鑄錢行千錢初重二斤其後愈輕不及一斤鐵葉皮紙

皆以爲錢

綫環錢唐食貨志高祖入長安民間行綫環錢其製輕

小凡八九萬纔滿半斛武德四年鑄開元通寶得輕重

大小之中

積十重一兩唐食貨志註云錢文曰開元通寶徑八分

重二銖四參積十重一兩歐陽詢撰并書其文廻環可

讀或讀曰開元通寶或讀曰開通元寶皆可按聖運圖

云初進蠟樣文德皇后指一甲故錢上有甲痕焉

乾封泉寶唐志乾封元年改鑄乾封泉寶以一當舊錢

之十踰年而舊錢多廢明年以商賈不通米帛踊貴復

行開元通寶錢

穀粟

小麥青大麥枯續漢書曰桓帝童謠曰小麥青青大麥枯誰當穫者婦與姑丈夫何在西擊胡

公田種秫晉陶潛為彭澤令在縣公田悉令種秫曰令吾常醉於酒足矣妻子固請種秔乃使五十畝種秫五十畝種秔

天雨粟淮南子曰昔蒼頡作書而天雨粟鬼夜哭

占城稻湘山野錄云真宗深念稼穡聞占城稻耐旱西天菜豆子多而粒大各遣使以珍貨求其種占城得種二十石至今在慶播之西天中印土得菜豆種二石始植於後苑秋成日宣近臣嘗之仍賜占稻及西天菜豆御詩

豐都稻酉陽雜俎云豐都稻名重思其米如石榴子粒

稍大味如菱杜瓊作重思賦曰霏霏春暮翠矣重思雲氣交被嘉穀應時

不食五穀酉陽雜俎云撥拔力國在西南海中不食五穀食肉而已常針牛畜脉取血和乳生食無衣服惟腰下用羊皮掩之

豆族粟寸酉陽雜俎云豆以二七為族粟累十二為寸

麥忌戊子酉陽雜俎云小麥忌戊大麥忌子

通腸米南楚新聞云荆南孫儒之亂米斗四十千持金寶換易纔得一撮一合謂之通腸米言饑人不可食他物惟煎米飲可以通腸胃

積米數十萬石唐韓洄字幼深罷省胥吏冗食二千人積米長安萬年二縣各數十萬石視年豐耗而發歛焉

故人不艱食

錦繡

蛺蝶羅麒麟錦漢武時西域獻蛺蝶羅日本國貢麒麟

錦十端金花眩人眼目又杜西域晚眺詩花羅封蛺蝶

瑞錦送麒麟王內翰註云蛺蝶麒麟羅錦上絲繡也

錦纏頭唐王元寶富而無學識嘗會賓客明日親友謂

之曰昨日必多佳論元寶曰但費錦纏頭耳又杜詩云

舞處重看花滿面樽前還有錦纏頭

若川谷成錦繡唐楊貴妃傳每十月帝幸華清宮五宅

車騎皆從家別為隊隊一色俄五家隊合爛若萬花川

谷成錦繡

二丈為一端左昭二十六年云以幣錦二兩註云二丈

為一端二端為一兩所謂匹也二兩二匹

織為迴文詩晉竇滔妻蘇氏名蕙字若蘭滔符堅時秦

州刺史被徙流沙蘇氏思之織錦為迴文旋圖詩以贈

滔宛轉循環讀之詞甚悽惋凡八百四十字

廢織錦坊唐元宗以風俗奢靡踰制乘輿服御金銀器

玩宜令有司銷毀珠玉錦繡焚於殿前天下毋得採珠

玉織錦繡等物廢織錦坊

獻錦頌唐新羅傳真德織錦為頌獻曰巨唐開洪業魏

巍皇猷昌止戈成大定興文繼百王統天崇雨施治物

體含章深仁諧日月撫運邁時康幡旗旣赫赫鉦鼓何

鏗鏗外夷違命者剪覆被天殃淳風凝幽顯遐邇競呈

祥四時和玉燭七耀巡萬方維嶽降宰輔維帝任忠良

三五成一德昭我唐家光帝美其意

賜禁中瑞錦唐馮定字介夫文宗親誦定送客西江詩
召升殿賜禁中瑞錦

珍寶

珊瑚樹西都雜記云積草池中有珊瑚樹高一丈二尺
一本三柯上有四百六十二條是南越王所獻又南州
志曰珊瑚出大秦國海中生海底石上

驪龍領下珠莊子河上有家貧恃葦蕭而食者其子沒
於淵得千金之珠其父謂其子曰取石來鍛之夫千金
之珠必在九重之淵而驪龍領下子能得珠者必遭其
睡也使驪龍而寤子尚奚微之有哉

鮫人泣珠述異記曰南海中有鮫人室水居如魚不廢
機織其眼能泣則出珠又左思吳都賦云泉室潛織而
卷綃淵客慷慨而泣珠

明珠如雞卵列仙傳江妃二女皆麗服華裝佩兩明珠
大如雞卵游於江漢之湄逢鄭交甫交甫說之不知其
神也遂下與言曰願請子之珮二女解珮以與交甫受
而懷之趨去數十步視其懷空無珮顧二女忽然不見

餐玉杜詩未試囊中餐玉法明朝且入藍田山註云李
預居長安每羨古人餐玉之法乃採訪藍田躬往攻掘
得如環璧雜器大小百餘稍得麓黑者亦篋盛以還至
家觀之皆光潤可玩預乃椎七十枚為屑日服食之餘
多惠人後預及聞者更求於故處皆無所見預服玉有
效驗而世事寢食不禁節之又加之好酒損志疾篤謂

續世說新語
卷之三十
變
妻子曰服玉屏居山林排棄嗜欲或當大有神力而吾
酒色不絕自致於死非藥過也然吾尸體必當有異勿
便速殯時七月中旬長安毒熱預得停尸四宿體色不

燕石宋之愚人得燕石於梧臺之側藏之以為大寶周
客聞而觀焉主人齋七日端冕元服以發寶革櫃十重
緹巾十襲客見俛而掩口胡盧而笑曰此燕石也與瓦
甕不殊主人大怒曰盲瞽之言藏愈固守愈謹

藍田出玉前漢地理志藍田山出美玉又三秦記曰藍
田有洲方三十里其水北流出銅鐵玉石

金錯刀金琅玕文選四愁詩美人贈我金錯刀何以報
之英瓊瑤云云美人贈我金琅玕何以報之雙玉盤云

云美人贈我貂檐榆何以報之明月珠云云美人贈我
錦繡段何以報之青玉案

王陽能作黃金漢王吉字子陽天下服其廉而怪其奢
故俗傳王陽能作黃金

趙璧史藺相如傳趙惠文王得楚和氏璧秦昭王使人
遺趙書願以十五城易之藺相如奉璧入秦相如視秦
王無意償趙城乃詐曰璧有瑕請指視王王授璧相如
持璧倚柱怒髮衝冠謂秦王曰趙王使臣奉璧於庭大
王見臣禮節甚倨臣觀大王無意償趙城邑故臣復取
璧大王必欲急臣臣頭與璧俱碎於柱秦王恐其破璧
乃辭謝固請相如度秦王決負約乃使其從者衣褐懷
璧從逕道歸璧於趙

三棘 墨子曰和氏之璧夜光之珠三棘六異此諸侯之良寶者也

六瑞 周禮曰以玉作六瑞以等邦國王執鎮圭公執桓圭侯執信圭伯執躬圭子執穀璧男執蒲璧

錦繡萬花谷別集卷之二十七

錦繡萬花谷別集卷之二十八

禽

西王母使者 續齊諧記曰楊寶九歲時至華陰山北見一黃雀為鷓鴣所搏墜於樹下為螻蟻所困寶取之以歸置巾箱中唯食黃花百餘日毛羽成乃飛去其夜有黃衣童子向寶再拜曰我西王母使者君仁愛救拯實感成濟以白環與寶令君子孫潔白位登三事當如此環子震安帝時為太尉震子秉桓帝時為太尉秉子賜靈帝時為太尉賜子彪獻帝時為太尉魏文帝時復為太尉至彪四世太尉德業相繼

雞作人語 幽冥錄晉兗州刺史沛國宋處宗嘗買一長鳴雞愛養甚至常著窓間後雞作人語與處宗談論極

有言說終日不輟處宗因此功業大進

房相鵝杜得房公池鵝詩房相西池鵝一羣眠沙泛浦白於雲鳳皇池上應回首為報籠隨王右軍

燕附炎熱杜去矣行焉能作堂上燕啣泥附炎熱

鷓鴣莊子鷓鴣巢林不過一枝

鳳皇非梧桐不棲北史王勰字彥和魏孝文升金墉

城顧見堂後桐竹曰鳳皇非梧桐不棲非竹實不食今梧桐竹並茂詎能降鳳乎

鵠飛冲天北史崔謨恃其第暹勢從李繪乞麋角鵠羽

繪曰鵠有六翮飛則冲天麋有四足走便入海下官庸體踈懶手足遲鈍不能近追飛走遠事佞人

得言勝得鵠史魏文侯使蔡無澤獻鵠於齊侯行路失

之謂齊侯曰寡君使臣獻鵠路而失之乃冲天而去非不能買鵠不敢易君幣非不能逃亡惡絕兩君之好非不能自殺惡貴鵠賤人是以獻空籠惟君裁之齊侯曰得言勝得鵠矣

空城雀李白空城雀云嗷嗷空城雀身計何戚促本與鷓鴣群不隨鳳皇族提携四黃口飲乳未嘗足食君糠粃餘常恐烏鳶逐

苑中禽南史荀伯玉傳齊高帝為宋明帝所疑被徵為黃門郎深懷憂慮見平澤群鶴仍命筆詠之曰八風儼遙翻九野弄清音一摧雲間志為君苑中禽

鶴為羽族之宗相鶴經云鶴陽鳥也因金氣依火精火數七金數九故十六年小變六十年大變千六百年形

定而色白又云一年落子毛易黑點三年頭赤七年飛薄雲漢又七年學舞復七年應晝夜十二鳴六十年大毛落茸毛生色雪白泥水不能汚百六十年雌雄相見目睛不轉朶千六百年飲而不食食於水故喙長軒前故後短足高尾彫毛豐肉踈並羽族之宗仙人之騏驎也

秋燕如客杜秋燕已如客註云張衡旅寓洛汭生計無聊有命駕之心顧梁上燕曰秋風已至想如客與斯難久留也

汚君子雕梁梁王覺為佞人奪權故人慰問指庭下泥笑謂客曰非久當隨燕嘴汚君子雕梁

海鷗列子海上人好鷗鳥其父欲取玩之明日之海上

鷗鳥舞而不下

望帝化為子規蜀記昔有姓杜名宇號望帝宇死俗傳化為子規鳥一名鷓蜀人聞子規鳥皆曰望帝遂於鷓字上加杜姓謂之杜鷓又謂之杜宇

洛陽無杜鵑邵康節曰洛陽舊無杜鵑不一二年上用南人為相天下多事矣

雉祥唐褚遂良傳時飛雉數集宮中帝問是何祥遂良曰昔秦文公時有侂子化為雉雌鳴陳倉雄鳴南陽侂子曰得雄者王得雌者霸文公遂雄諸侯始為寶雞祠漢光武得其雄起南陽有四海陛下本封秦故雌雄並見以告明德子侂之人反童

嗽金鳥酉陽雜俎云嗽金鳥出昆明國形如雀色黃常

翱翔於海上魏明帝時其國來獻此鳥飴以真珠及龜
腦常吐金屑如粟鑄之乃為器服宮人爭以鳥所吐金
為釵珥謂之辟寒金以鳥不畏寒也宮人相嘲弄曰不
服辟寒金那得帝王心不服辟寒鈿那得帝王憐

雞雛可以觀仁

本朝二程觀雞雛曰此可觀仁

禽有良能伊川曰萬物皆有良能禽鳥做得巢子極有
巧好處是他良能不待學也

鳳皇擊九千里

宋玉對楚襄王問云鳳皇上擊九千里

絕雲霓負蒼天亂浮雲翱翔乎杳冥之上夫藩籬之鷄
豈能與之料天地之高哉

北山鷄

後漢朱穆與劉伯宗詩曰北山有鷄不潔其翼

飛不正向寢不定息饑則木攬飽則泥伏所性貪汙臭

腐是食填腸滿嗉嗜欲無極長鳴呼鳳謂鳳無德鳳之
所趣與子異域域從此訣各自努力

鳥街木為城

酉陽雜俎云貞元四年鄭汴二州群鳥飛

入田緒李納境內街木為城高至二三尺方十餘里納
緒惡而命焚之信宿如舊鳥口皆流血

鵲巢有梁

酉陽雜俎云鵲巢中必有梁崔圓相公妻在

家時與姊妹戲於後園見二鵲構巢共銜一木如筆管
長尺餘安巢中衆悉不見俗言見鵲上梁必貴

沐溪野雙鶴

地理志慶州青田縣在州東南一百五十

里有雙鶴生子即便化去人以為異又宋嘉郡記沐溪
野去青田九里有雙鶴年年生子長大便去只餘父母
一雙精白可愛多云神所養又杜詩薛公十一鶴皆寫

青田真

鷓鴣 莊子秋水篇南方有鳥其名鷓鴣發於南海而飛於北海非梧桐不止非練實不食非醴泉不飲

比翼鳥 爾雅云南方有比翼鳥不比不飛其名謂之鷦

射雉富貴之驗 隋龐晃字元顯白高祖曰公相貌非常

名在圖籙九五之日幸願不忘高祖笑曰何妄言也頃

之有一雄雉鳴於庭高祖命晃射之曰中則有賞然富

貴之日持以為驗晃既射而中高祖撫掌大笑曰此是

天意公能感之而中也

詩 去年汝來巢我屋梁間泥污高一尺啄腥拋穢不汝

厭生長群雛我護惜家貧惠愛不及人自謂於汝獨有

力不望汝如靈蛇銜寶珠雀獻金環來報德春風期汝

一相顧對語茅簷慰岑寂如何今年來於我絕踪跡一

貪簾幙畫堂間便視吾廬為棄物識燕屏引風時叫兩

三聲咽月因思折葦汀踉蹌初過松院裏離榭擬舞雪

花庭窺雲長側丹砂臉立石閑梳白石翎何日許隨鴛

鳳去拂霞搖靄入青冥俞亮詩骨含仙氣生來瘦羽插天

風過處寒王禹偁詩莫恨彫籠翠羽殘江南地暖隴西寒

勸君不用分明語語得分明出轉難羅隱詩蜀魄千年

尚怨誰聲聲啼血向花枝滿山明月東風夜正是愁人

不寐時羅讜子雲散巴山綠草稠子規啼處感年流影

隨明月生芳樹聲逐和風入畫樓綿郡幾人驚旅夢錦

城孤客起鄉愁蜀君變化已千載何事如今叫未休方

子規何事經年阻好音暖風催出囀喬林羽毛新刷陶

潛菊喉舌初調叔夜琴怕雨並棲紅杏密避人雙入綠
楊深曉來枝上千般語似共桃花說舊心齊記詠對語
春風翠滿衣碧江迢遞往來稀遠空盡日和煙去深院
無人帶雨歸珠箔下時猶脉脉畫堂深處正依依王孫
盡許營巢穩慣聽笙歌夜不飛韓詩翠鬣紅毛舞夕暉
水禽情似此禽稀暫分煙島猶回首祇過寒塘亦並飛
映霧乍迷金殿瓦逐梭齊上玉人機採蓮無限蘭橈女
笑指中流羨爾歸崔詩鴛鴦詩纔見離巢羽翼開盡能輕颺
出塵埃人間樹好紛紛占天上橋成草草回幾度追飛
臨玉戶一時傳喜到粧臺若教顏色如霜雪應與清平
作瑞來韓詩來時沙磧已冰霜飛過江南木葉黃水潤
天低雲暗淡朔風吹起自成行歐陽脩詩有鳥居丹穴其

名曰鳳皇九苞應靈瑞五色燦文章屢向秦樓側頻過
洛水陽鳴岐今日見阿閣佇來翔李嶠鳳詩

獸

宋公狙列子宋有狙公愛狙而養之先誑之曰與若茅
朝三而暮四足乎衆狙皆起而怒俄曰與若茅朝四而
暮三足乎衆狙皆伏而喜註云茅栗也

狨尾杜詩註楊大年云狨之形似鼠而大尾長作五色
生川峽深山中以藥矢射殺之取其尾爲卧褥鞍被坐
羶之用狨甚愛惜其尾旣中毒即嚙斷其尾以擲之惡
其爲身害也蓋輕捷善緣木後之類也狨而中反

西巴放鷹後漢桓榮傳論註孟孫獵得麀使秦西巴持
之其母隨而呼西巴不忍而與其母

神與牛交 酉陽雜俎云堅昆部落非狼種其先所生之窟在曲漫山北自謂上代有神與牯牛交於此窟其人髮黃目綠赤髭髯其髭髯俱黑者漢將李陵及其兵衆之胤也

猿戰 酉陽雜俎云婆彌爛國去京師二萬五千五百五十里此國西有山峴巖峻險上多猿猿形絕長大常暴田種每年有二三十萬國中起春以後尤集甲兵與猿戰雖歲殺數萬終不能盡其巢穴

仙鹿 酉陽雜俎云虞部郎中陸紹弟爲盧氏縣尉常觀獵人獵忽遇鹿五六頭臨澗見人不驚毛斑如畫陸怪獵人不射問之獵者言此仙鹿也射不能傷且復不利陸不信強之獵者不得已一發矢鹿帶箭而去及返射

者墜崖折左足

猴獮 酉陽雜俎云蜀西南高山土有物如猴狀長七尺名猴獮一曰馬化好竊人妻多時形皆類之盡姓楊蜀中姓楊者往往攫瓜

看兔可作八卦 伊川見賣兔者曰聖人見河圖洛書畫八卦何必圖書只看此兔亦可作八卦數便從此中可起聖人取神物之至著者耳

玄鹿 述異記云鹿千年化爲蒼又五百年化爲白又五百年化爲玄漢成帝時中山人得玄鹿烹之骨皆黑色仙者云玄鹿爲脯食之壽二千歲

獬豸 述異記云獬豸一角羊也性知人有罪臯陶治獄其罪疑者令羊觸之

絡馬穿牛 莊秋水篇牛馬四足是謂天絡馬首穿牛鼻
是謂人

比肩獸 爾雅云西方有比肩獸與印印 岨虛比為印印
岨虛嚙其甘草即有難印印 岨虛負而走其名為歷一
云歷井中虫也

魚

丙穴 杜將赴成都草堂詩魚知丙穴猶來美註云蜀都
賦云嘉魚出於丙穴丙穴在漢中沔陽縣北有魚穴二
所常以三月取之

鱈長數千里 六帖水經云鱈魚長數千里穴居海底魚
入穴則潮上出穴則潮退出入有節故潮水有期

鯤魚 宋玉對楚襄王問云鯤魚朝發崑崙之墟暴鬣於

碣石暮宿於孟諸夫尺澤之魚豈能與之量江海之大
哉

為蛟龍 酉陽雜俎云魚滿三百六十年則為蛟龍引飛
去水又云魚二千斤為蛟

一斤千頭 酉陽雜俎云武陽小魚一斤千頭

瞳子如三斗 盎 段成式書云東海大魚瞳子大如三斗
盎

洛鯉伊魴 酉陽雜俎云洛鯉伊魴貴於牛羊

筭袋化為烏賊魚 酉陽雜俎云烏賊遇大魚輒放墨方
數尺以混其身海人言昔秦王東遊棄筭袋於海化為

此魚形如筭袋兩帶極長

養獺捕魚 酉陽雜俎云元和末均州鄖鄉縣有百姓年

七十養獺十餘頭捕魚爲業隔一日放出放時先閉於深溝斗門內令饑然後放之無網罟之勞而獲利相若老人抵掌呼之群獺皆至

蹄涔不容尺鯉晉史劉聰將趙染斬魯徽大司馬曜聞之曰蹄涔不容尺鯉染之謂也

受魚而祭家語孔子之楚有漁者獻魚孔子不受漁者曰天暑市遠無所鬻也思慮棄之糞壤不如獻之君子故敢以進焉於是孔子再拜受之使弟子掃地將以享祭門人曰彼將棄之夫子以祭何也孔子曰吾聞諸惜其腐餽而欲以務施者仁人之偶也惡有受仁人之饋而無祭者乎

石鯨鳴西京雜記云昆明池刻玉石爲鯨每雷雨鯨嘗

鳴吼鬣尾皆動漢世祭之以祈雨徃徃有驗又杜詩云石鯨鱗甲動秋風

安知魚之樂莊秋水篇莊子與惠子遊於濠梁之上莊子曰儵魚出遊從容是魚樂也惠子曰子非魚安知魚之樂莊子曰子非我安知我不知魚之樂

鱷魚一生百卵永州記云鱷魚一生百卵及成形則有爲蛇爲龜爲蛟者甚靈

虫

蟻穴異苑曰桓謙太元中忽有人皆長寸餘悉被鎧持槊從塹中緣机登竈蔣山道士以沸湯澆所入處寂不復出因掘之有斛許大蟻死在穴中

壁魚杜歸來詩散秩壁魚乾註云壁魚白魚也俗傳壁

魚入道經函中因蠹食神仙字則身有五色人得而吞之可致神仙

食業者有絲西陽雜俎云食業者有絲食土者不息食而不飲者蠶飲而不食者蟬不飲不食者蜉蝣

白蝙蝠李白答族姪僧中孚贈茶詩序余聞荊州玉泉寺近清溪諸山山洞徃徃有乳窟窟中多玉泉交流中有白蝙蝠大如鷓按仙經蝙蝠一名仙鼠千歲之後體白如雪棲則倒懸蓋飲乳水而長生也

蛙鳴當鼓吹南史孔珪字德璋門庭之內草萊不剪中有蛙鳴或問之曰欲爲陳蕃乎珪笑答曰我以此當兩部鼓吹何必效蕃王晏嘗鳴鼓吹候之間羣蛙鳴曰此殊聒人耳珪曰我聽鼓吹殆不及此晏有慙色

濡需莊徐無鬼篇濡需者豕蟲是也擇疏鬣自以爲廣宮大囿奎蹄曲隈乳間股脚自以爲安室利處不知屠者之一旦鼓臂布草操烟火而已與豕俱焦也

培井蛙莊秋水篇子獨不聞夫培井之蛙乎謂東海之鼈曰吾樂歟吾跳梁乎井幹之上入休乎缺甃之崖赴水則接掖持頤蹶泥則沒足滅跗還軒蟹與科斗莫吾能若也

觸氏蠻氏莊則陽篇有國於蝸之左角者曰觸氏有國於蝸之右角者曰蠻氏時相與爭地而戰伏尸數萬逐北旬有五日而後反

守宮東方朔傳置守宮盃下師古曰守宮虫名術家云以器養之食以丹砂滿七斤擣治萬杵以點女人體終

身不落若有房室之事則滅矣可以防閑淫逸故謂之守宮

醢雞莊田子方篇孔子見老聃孔子出而見顏回曰丘之道也其猶醢雞歟微夫子之發吾覆也吾不知天地之大全也註云醢雞者甕中之蟻螿

冰蠶拾遺記曰員嶠山名環丘有冰蠶以霜雪覆之然後作繭其色五采織爲文錦入水不濡投火不燎唐堯之代海人獻以爲黼黻

錦繡萬花谷別集卷之二十八

錦繡萬花谷別集卷之二十九

雜忌

入山忌日酉陽雜俎云入山忌日大月忌三日十一日

十五日十八日二十四日二十六日三十日小月忌一

日五日十三日十六日二十日二十八日

冢井氣殺人酉陽雜俎云凡冢井間氣秋夏中之殺人

先以雞毛投之直下無毒迴舞而下不可犯當以醋數斗澆之方可入矣

食物雜忌酉陽雜俎云菘兩鼻兩蒂食之殺人簷下滴

菜有毒黃黃花及赤芥殺人○瓠牛踐苗則子苦砧垢

能蝕人履底○魚有睫及目合腹中自連珠二目不同

連鱗白鬚腹下丹字並殺人○鼈目白腹下五字一曰

丹字十字一曰十字者不可食○鱗腹下有毛殺人○
獸岐尾鹿斑如豹羊心有竅悉害人○馬夜眼五月以
後食之殺人犬懸蹄肉有毒○白馬鞍下肉傷人五臟
○鳥自死目不閉鴨目白鳥四距卵有八字並殺人○
井水沸不可飲○酒漿無影者不可飲
食不欲頓修真祕訣云凡人食欲少而數不欲頓而多
食不欲急急則損脾法當熟嚼令細冷食不用熱水漱
口熱食不用冷水漱口食必先食熱然後食冷
黃帝雜忌修真祕訣云一日之忌暮無飽食一月之忌
暮無大醉一歲之忌暮無遠行終身之忌暮無燃燭行
房

奇字訓釋上

大裁裁測吏反大巒也漢周亞夫傳賜置大裁無切肉
躡鞞上徒臈反下鉅六反漢霍去病傳穿域躡鞞註云
以皮爲之實以毛蹙鞞而戲也

蹂躪上人九反下音蘭漢王商傳百姓奔走相蹂躪
鈗鑽上其炎反下作喚反後漢陳寵傳遂詔有司絕鈗
鑽又禮部韻畧鈗亦作鈗

碑兀郭璞江賦巨石碑兀以前却

嚙踏杜詩權門多嚙踏註云嚙踏相對談語

溷泥張衡應間曰夫元龍涉冬則溷泥而潛蟠註云溷
音骨亂也

軋沒軋居寒反杜詩軋沒費倉儲註云軋沒謂成敗也
如淳曰豫居物以待之得利爲軋失利爲沒又見張湯

傳

齒萃 西都賦岩峻齒萃又杜詩齒萃增光輝

溟滓 杜詩精微穿溟滓又莊子大同乎溟滓滓與物無

際滓戶頂反又音幸溟亡頂反自然氣也

畀礙 畀上絹反見前漢陳遵傳瓶懸礙不得下

逦迤 逦七禾反唐王伾傳闡茸貌逦迤闡徒盍反茸而

隴反

澆澆 上士咸反下才弱反韓聯句詩耳井憶澆澆

齷齪 上音渥下側角反韓聯句詩貧饌羞齷齪

淡漱 漱音敢韓聯句詩淡漱甘瓜濯

咿啞 上音伊下音渥強笑噓也韓聯句正言免咿啞

菅蒯 上音姦下苦怪反茅類也韓聯句惟憂棄菅蒯又

毛詩

曠恨 曠口朗反恨音朗宋玉九辨愴恍曠恨兮去故而

就新

黴瘠 上音眉黴黧垢腐貌唐陸龜蒙傳堯舜黴瘠

朏眇 上尼竹反下他了反謝希逸月賦朏眇警闕

皴皴 上七旬反下與攘同出唐史

渤澥 揚子渤澥之島又杜詩宛在中流渤澥清

叱離 詩中谷有雍有女叱離又杜詩叱離放紅蕖叱匹

指反別也

椽椽 上音孤下力登反西都賦上椽椽而棲金屋註云

殿堂上最高處也

龍鍾 杜寄杜拾遺詩龍鍾遠泰二千石趙註云龍鍾行

龍鍾

卷二十九

五

不進貌又寄高使君詩何太龍鍾極註云龍鍾竹名世
言龍取此義謂其年老如竹之枝葉搖曳不能自禁持
也

歛翁 杜熱詩歛翁炎蒸景歛許勿反又許律反

沉綿 杜詩沉綿止咎殃註云言其病之沉綿

潦倒 杜詩形容莫潦倒又嵇康書云潦倒麓踈

突奧 荀子突奧之內又杜詩文章開突奧註云突奧深

邃貌

羈絆 晉慕容垂猶鷹也宜急其羈絆

倜儻 倜吐歷反漢朱雲傳倜儻大節又顏延年賦雄志

倜儻 精權竒又杜詩倜儻權竒難具論

辟易 項羽傳人馬俱驚辟易數里又杜詩四座皆辟易

巫覡 唐史王璵傳男曰巫女曰覡覡胡狄反

喧逐 逐呼回反相擊也李白蜀道難飛湍瀑流爭喧逐

伶俜 伶俜猶零丁也流落貌杜宿府詩已忍伶俜十年

事

水若 水若水神也選顏延年詩水若警滄流

陽烏 陽烏春日也選曹子建七哀詩陽烏收和響

蜻蛉 蚘力孽反蟋蟀也選曹子建詩俯聞蜻蛉吟

黑蜨 選雜詩黑蜨躍重淵註云黑蜨蛇也

茵露 選苦熱行茵露夜霑衣註云茵草上露人觸之即

肉潰爛

紹介 後漢符融傳註云古人相見必因紹介介因也言

因此人以相接見也

豐隆 雷神也

侏儒 後漢張升傳仲尼暫相誅齊之侏儒註云侏儒短人能為俳優也

坎墮 墮力敢反困窮也宋玉九辨坎墮兮貧士失職而志不平

軼軻 坎與軼同軻口我反古詩坎軻長苦辛又杜詩英賢遇軼軻遠引蟠泥沙

餐 盤餐 曹負羈見公子重耳盤餐寘壁又杜詩喚起露盤餐

蒼黃 北山移文蒼黃反覆又杜詩誓欲隨君去形勢反蒼黃

刀頭 樂府解題云何當大刀頭刀頭有環問何時還

擎蹠 北史蕭大圜傳擎蹠曲拳

象教 為形象以教人也杜登慈恩寺塔詩方知象教力足可追冥搜

三鱣 鱣音善韓子云似蛇後漢楊震傳冠雀銜三鱣魚飛集講堂前

突黔 揚雄曰孔席不煖墨突不黔又文子曰墨子無黔突孔子無煖席

格磔 磔陟格反李羣玉詩方穿詰曲崎嶇路又聽鈞輶格磔聲

二立 張衡應間曰不能參名於二立註云太上立德其次立功

旁午 唐劉晏傳註云一縱一橫為旁午言交錯也

輦行 行戶浪反見柳宗元傳又漢匈奴傳漢天子我丈
人行又杜詩王孫丈人行垂老見飄零

灸彥 上余染反下余之反戶局也

鞅掌 詩北山或王事鞅掌箋云鞅猶何也掌謂捧之也
負何捧持以趨走言促遽也何戶可反

蟻蠻 蟻音誕南方有蟻蠻

蠛蠓 上莫結反下母總反細蟲因雨而生又莊子註醯
雞者甕中之蠛蠓

縱史 縱上聲史音勇

廬鞞 鞞步拜反

角隸 角即角字也隸通作角東都事畧崔倕傳載云
刀下用音摧字兩點下用音鹿字川字上一撇一點者

不成字

晻昧 晻與暗同漢藝文志今其技術晻昧

洮頰 洮他刀反又音逃頰音悔書顧命王乃洮頰水註

云洮洮髮也頰頰面也又韻畧洮頰水名又醜字亦作
頰滌面也

簾簾 上音渠下音除竹席也

蹶躡 李白鳴皋歌蹶躡於風塵蹶禮部韻畧作蹶蒲結
反躡先結反蹶躡行不正也

宿留 上先就反漢郊祀志宿留海上師古曰謂有所須
待也

糠覈 陳平傳亦食糠覈耳孟康曰覈麥糠中未破者也

晉灼曰覈音紇京師人謂麤屑為紇頭

襜褕 集韻云襜褕簑衣也

墳羊 古今註云狗曰墳羊

燭夜 古今註云雞一名燭夜又曰翰音

駟驢 劉貢父詩話云今人謂駟驢為牙本謂之互郎主互市事也駟在古反

磔阿 上落猥反下勒可反晉和嶠如千丈松雖磔阿多多節目施之大厦有棟梁之用

勃窣 窣蘇骨反晉張憑簡文帝召與語歎曰張憑勃窣為理窟註云勃窣穴中出也

鬻鬣 上田聊反下初靳反隋楊昇鬻鬣就學日誦千言註云鬻小兒重髻也鬣男生八月生齒八歲而鬣鬣毀齒也

許魚 反莊子外篇云將為胾篋探囊發匱之盜而為守備

肯綮 莊子內篇庖丁曰技經肯綮之未嘗註云技之妙也常遊刃於空未嘗經槩於微礙也

豆盧 隋豆盧勣北人謂歸義為豆盧因氏焉

陬 走侯反莊子天地篇子貢卑陬失色

秩 上孚云反下音秩莊子山木篇其為鳥也紛紛秩

躡 莊子郢人堊漫其鼻端若蠅翼

跣 上徒下俱跳躍也又云偏舉一足曰跣跣史張儀

傳虎賁之士跣跣科頭貫頤奮戟者至不可勝計

屏營 唐李蔚宗贊佛者特西域一稿人耳癯辱其身屏

杜詩喚人青驥裊不嫁惜娉婷

律萃澄澄 杜詩高嶽前律萃洪河左澄澄

笏格酷烈 笏即傍也古字通用笞也後漢陳寵傳斷獄者急於笏格酷烈之痛

把推椀脫 武后時官濫謚曰把推侍御史椀脫校書郎出朝野僉載

互讓礪碯 礪午交反碯口角反南朝史云王玄問謝莊何者為雙聲何者為疊韻答曰互讓為雙聲礪碯為疊韻其捷速若此

儵忽渾沌 莊應帝王云南海之帝為儵北海之帝為忽中央之帝為渾沌儵尸育反

蹇蹇踈踈 莊馬蹄篇蹇蹇為仁踈踈為義而天下治疑

矣蹇蒲結反蹇私列反蹇蹇旋行貌一曰跛也踈徒計反踈也踈虛鼓反脚根不着地

澶漫摘僻 莊馬蹄篇澶漫為樂摘僻為禮而天下始分矣

罔罟魯笱 莊肱篋篇鈎餌罔罟魯笱之知多則魚亂於水矣

削格羅落 莊肱篋篇削格羅落且采之知多則獸亂於澤矣

喬詰卓鷖 莊在宥篇於是乎天下始喬詰卓鷖而後有盜跖曾史之行

鬻卷儉囊 莊在宥篇天下不安其性命之情乃始鬻卷儉囊而亂天下也

齧齧挽裂 莊天運篇今取後狙而衣以周公之服彼必
齧齧挽裂

鹵莽滅裂 莊則陽篇君為政焉勿鹵莽治民焉勿滅裂
謬悠荒唐 莊天下篇謬悠之說荒唐之言

歐窶汗邪 出滑稽列傳歐窶滿篝汗邪滿車窶音婁索
隱曰歐窶由杯樓也汗邪索隱曰卽下田之中有薪可
滿車

若歛嘍嚶 韓送窮文若歛嘍嚶毛髮盡豎若呼覓反又
霍號反皮骨相離聲歛詳勿反嘍音憂

犁軒眩人 漢張騫傳大宛諸國以大鳥卵及犁軒眩人
獻於漢註云軒鉅連反眩與幻同卽今吐刀吐火之術
攬搶熒惑 上杓銜反下楚耕反杜詩攬搶熒惑不敢動

註云攬搶妖星熒惑火星

龍從杓材 杓魚嫁反杜王兵馬使二角鷹詩悲臺蕭瑟
石龍從哀壑杓材浩呼洶洶曰潘岳西征賦龍從逼迫
註云龍從高大貌也又師曰杓材不齊貌

奇字訓釋下

嘎 於邁反老子曰號而氣嘎

颿 符咸反亦作帆唐杜亞曳綉為颿

衷 古袖字後漢符融傳幅巾奮衷

喝 音謁韓聯句喝道者誰子史記禹扇喝一云傷暑也

詠 音卓諧也韓聯句拙謀傷巧詠

鈇 士角反鎖足也韓聯句黃鶴足仍鈇

囚 音囚五代史盧文紀曰昔有越人善泅註云人浮水

上也

沈音血宋王九辨沈寥兮天高而氣清

怍音萌反宋王九辨心怍怍兮諒直

狺音閭宋王九辨猛犬狺狺

駮音貌反潘安仁閑居賦駮石雷駮

泝音半反水涯也王維傳茱萸泝

頰古俯字賈誼過秦論頰首係頸

逢古遙字漢郊祀志逢興輕舉

隼古堆字漢溝洫志蜀守李冰鑿離隼

鳴丁老反海中山曰鳴漢田儋傳入海居鳴中

熱之涉反不動貌漢朱博傳豪強熱服

軟音朔口噏也韓聯句酒醪欣共軟

冢玉篇云與寂同

祔音石宗廟主也

艘音艘船之總名

輻音雷擊也

撫與模同規也法也

謏先了切禮記足以謏聞

弼音弼

突音杏室東南隅曰突又一叫反深也

髦音木思貌一曰毛濕鮑宣書極竭髦髦之思

鐻與鐻同鐻取之器

噓呼陌反揚子通諸人之噓噓

貫神夜反賒貫也漢汲黯傳從民貫馬又韻畧一音始

制反貸也

獲 繫縛反度也

罽 知立反絆也今為繫

罽 音慰捕鳥網也見南史謝朓傳

心 悉枕反恐貌韓鯉魚文似似現現

駝 乃侯反出韓毛穎傳註云論衡曰兔舐毫而孕及其

生子從口而出名曰婉芳萬反郭云俗呼曰駝

媿 且倫反出同前註云媿兔

嬾 與嬾同力亶反後王丹農時載酒肴於田間勤者勞

之其墮嬾者耻不致

鱠 所留反乾魚也周禮天官

取譬精語

學步邯鄲 漢班氏叙傳云昔有學步於邯鄲者曾未得

其髣髴又復失其故步遂匍匐而歸耳

衣繡夜行 朱買臣傳富貴不歸故鄉如衣繡夜行又見

後景丹傳

載輕折軸 漢中山靖王傳叢輕折軸羽翮飛肉註云積

載輕物物多至令車軸折鳥之所以能飛翔者以羽翮

扇揚之

為虎為鼠 後竇憲傳東方朔稱用之則為虎不用則為

鼠

山有猛獸 漢蓋寬饒傳山有猛獸藜藿為之不采國有

忠臣姦邪為之不起

泉响漂山 前中山靖王傳泉响漂山聚蟲成雷註云响

誰句反口吐沫也漂必遙反蟲古蚊字

蟲蟲宵見 中山靖王傳白日曬光幽隱皆照明月曜夜

蟲蟲宵見然雲蒸列布杳冥晝昏塵埃拂覆昧不見泰
山河則物有蔽之也插音鋪

徵羹吹壑 唐傅弈傳徵沸羹者吹冷壑傷弓之鳥驚曲
木

獨煙江河 後張儉傳以區區一掌獨煙江河多見其不
知量也

一簣障江 前漢區區一簣障江河

渭以涇濁 後何顥贊渭以涇濁玉以礫貞

洪爐燎毛 後何進傳猶鼓洪爐燎毛髮耳

將風捕影 漢郊祀志如係風捕影終不可得

水起忽青 後丁鴻傳壞崖破巖之水源自涓涓干雲蔽
日之木起於忽青

乾皮含血 後趙壹傳使乾皮復含鱗骨復被肉

收之桑榆 後馮異傳可謂失之東隅收之桑榆

洪炎爍山 李白雪讒詩洪炎爍山發自纖烟滄波起乎

微涓

猶對面語 唐房玄齡傳千里外猶對面語

各竭齒寒 莊肱篋篇川竭而谷虛丘夷而淵實

夷淵實 同上

夷淵似秋

求馬唐肆

棺木死灰

餓者甘糟糠

見彈求鴉炙

邪徑不忍投步

弩末不入魯縞

明鏡不可形逃

千里差自毫端

附枝大者賊本心

木以不材終其天年 已上皆闕文

鷦鷯巢林不過一枝 莊逍遙遊篇鷦鷯巢於深林不過

一枝云

偃鼠飲河不過滿腹 同上

覆水均堂芥為之舟 莊逍遙遊篇覆水於坳堂之下則

芥為之舟

錦繡萬花谷別集卷之三十終

The right page of the manuscript features a large rectangular frame defined by a thick black border. Inside this frame, there are ten vertical lines that create eleven columns of varying widths. The columns are arranged from left to right, with the narrowest columns on the far left and the widest columns in the middle. The lines are drawn in black ink on aged, yellowish paper. The overall appearance is that of a ledger or account book page, designed for recording data in a structured, columnar format.

